

Sulisartut sunniuteqaqataaffiginngisaannik suliffeqarfiit aaqqiissutaagallartumik sivikitsumillu sulinermik unitsitsigallarnerini sulisartut suliffeqarfimminiit angerlartitaagallartarnerat pillugu aalajangersakkat Nunatsinni suliffeqarfinnut tamanut tunngatitaalernissaat qulakkearniarlugu suliffeerunnermi ikiorsiissutit pillugit inatsisartut inatsisaata nr. 2, 15. maj 2014-imeersumi § 4-ap allannguutissaanik Naalackersuisut kingusinnerpaamik UPA2017-imi Inatsisartunut saqqummiusseqqullugit Inatsisartut aalajangiiffigisassaattut siunnersuut. Ilanngullugu siunnersuutigineqarpoq inatsisini allani attuumasuni oqaasertatigut naqqiisoqassasoq, qulakkearniarlugu Suliffeqarfiit aaqqiissutaagallartumik sivikitsumillu sulinermik unitsitsigallarnerini sulisartut suliffeqarfimminiit angerlartitaagallartarnerat suliffeqarfinnut tamanut atuuttussanngortillugu (Inatsisartunut ilaasortaq Jens Immanuelson, Siumut)

Akissuteqaat

(Inuusutissarsiornermut, Suliffeqarnermut, Niuernermut, Nukissiuuteqarnermut Nunanullu Allanut Naalackersuisoq)

Aappassaaneerinnineq

Naalackersuisut Inuusutissarsiornermut Ataatsimiititaliaq siunnersuummik suliaqarnerannik qutsavigaat, maluginiarlugulu ataatsimiititaliami amerlanerussuteqartut siunnersuut akuersissutigineqartussatut inassutigimmassuk.

Naalackersuisut maluginiarpaat Ataatsimiititaliap eqqarsaatersuutaat suliffiit sorliit qulaajaanermi ilanngunneqassanersut.

Naalackersuisut Ataatsimiititaliap isummersuutai suliap ingerlaqqinnerani ilanngutissavaat.

Taamaalillutik Naalackersuisut siunnersuut Inatsisartunut suliasanngortippaat, allannguutissatullu siunnersuutip akuersissutigineqarnissaa inassutigalugu.